

Broj: 01-14-2475/19-8
Sarajevo, 28.08.2019.godine

29-08-2019

Na osnovu člana 100. stav 3. Zakona o javnim nabavkama BiH („Službeni glasnik BiH“ broj: 39/14) i čl. 20. i 21. Privremenog Pravilnika o unutrašnjoj organizaciji Federalnog ministarstva za pitanja boraca i invalida odbrambeno-oslobodilačkog rata broj: 05-34-6506/13 od 20.01.2014.godine, 05-34-4944/14 od 27.11.2014.godine, 05-34-5123/15 od 13.11.2015.godine, 05-34-5588/17 od 28.12.2017.godine i 05-34-2272/18 od 03.09.2018.godine, rješavajući po žalbi ponuđača Autodelta d.o.o. Sarajevo, broj:165/AM/2019 od 27.08.2019.godine, dostavljene dana 27.08.2019.godine, izjavljene na Odluku o izboru najpovoljnijeg ponuđača za nabavku roba i usluga za autoservis i opravku motornih vozila, te nabavku potrošnog materijala i rezervnih dijelova za vozila Ministarstva, broj:01-14-2475/6/19 od 22.08.2019.godine, a na preporuku Komisije za javne nabavke za 2019. godinu imenovane Rješenjem broj: broj: 01-34-703/19 od 25.02.2019.godine, federalni ministar za pitanja boraca i invalida odbrambeno-oslobodilačkog rata, d o n o s i:

ODLUKU **po žalbi o izboru najpovoljnijeg ponuđača**

I

Usvaja se žalba ponuđača AUTODELTA D.O.O. Sarajevo broj:165/AM/2019 od 27.08.2019.godine, dostavljena dana 27.08.2019.godine, izjavljena na Odluku o izboru najpovoljnijeg ponuđača za nabavku roba i usluga za autoservis i opravku motornih vozila, te nabavku potrošnog materijala i rezervnih dijelova za vozila Ministarstva, broj:01-14-2475-6/19 od 22.08.2019.godine, kao djelimično osnovana.

II

Ovom Odlukom poništava se Odluka o izboru najpovoljnijeg ponuđača za nabavku roba i usluga za autoservis i opravku motornih vozila, te nabavku potrošnog materijala i rezervnih dijelova za vozila Ministarstva, broj:01-14-2475-6/19 od 22.08.2019.godine, kojom je kao najpovoljniji ponuđač izabran Saradis d.o.o. Vogošća.

III

Donosi se Odluka o izboru najpovoljnijeg ponuđača za nabavku roba i usluga za autoservis i opravku motornih vozila, te nabavku potrošnog materijala i rezervnih dijelova za vozila Ministarstva, kojom se ponuđač Autodelta d.o.o. Sarajevo ocjenjuje kao najpovoljniji ponuđač jer kao jedini ponuđač ispunjava uslove postavljene tenderskom dokumentacijom, a u skladu sa kriterijem za dodjelu ugovora – najniža cijena, u ukupnom iznosu od 28.126,60 KM.

IV

Po okončanju roka za žalbu, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

V

Ova odluka objaviti će se na web stranici Federalnog ministarstva za pitanja boraca i invalida odbrambeno-oslobodilačkog rata u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

U skladu sa članom 88. Zakona o javnim nabavkama proveden je Konkurenstki zahtjev za nabavku roba i usluga za autoservis i opravku motornih vozila, te nabavku potrošnog materijala i rezervnih dijelova za vozila Ministarstva. Postupak je pokrenut Obavještenjem o nabavci broj: 746-7-1-27-3-7/19 koje je objavljeno na Portalu javnih nabavki dana 09.08.2019.godine i poziva za dostavljanje ponuda putem Konkurentskog zahtjeva broj: 01-14-2475/19 od 09.08.2018. godine. Za navedenu nabavku prijavila su se 3 (tri) ponuđača i to: Autodelta d.o.o. Sarajevo, Saradis d.o.o. Vogošća i Bos-Mont d.o.o. Sarajevo.

Zapisnikom o pregledu i ocjeni ponuda sa predviđenom e-aukcijom, broj: 01-14-2475-5/19 od 22.08.2019. godine, a uvidom u priloženu dokumentaciju Komisija je utvrdila da tri ponuđača ispunjavaju formalno- pravne, ekonomske i tehničke uslove, odnosno zahtjeve ugovornog organa i to: Autodelta d.o.o. Sarajevo, Saradis d.o.o. Vogošća i Bos-Mont d.o.o. Sarajevo.

Nakon provedenog postupka e-aukcije za predmetnu nabavku donesena je Odluka o rezultatima okončanog postupka javne nabavke i izboru najpovoljnijeg ponuđača, kojom je prvoplasirana i najpovoljnija ponuda ponuđača Saradis d.o.o. Vogošća. Nakon dostavljenog Obavještenja o rezultatima postupka nabavke broj: 01-14-2475-6/19 od 22.08.2019.godine i Odluke o rezultatima okončanog postupka javne nabavke i izboru najpovoljnijeg ponuđača, broj: 01-14-2475-6/19 od 22.08.2019.godine prema učesnicima u postupku, ponuđač Autodelta d.o.o. Sarajevo je dana 26.08.2019. godine zatražio uvid u ponude ponuđača „SARADIS“ d.o.o. Vogošća i Bos-Mont d.o.o. Sarajevo. Nakon uvida u ponudu obavljenog dana 27.08.2019. godine, ponuđač „AUTODELTA“ d.o.o. Sarajevo je uložio žalbu broj:165/AM/2019 od 27.08.2019. godine.

Razmatrajući žalbu ugovorni organ je utvrdio da je ista blagovremena, dopuštena i izjavljena od strane ovlaštenog lica, razmotreni su svi navodi iz žalbe, izvršen je uvid u kompletnu dokumentaciju, te je izvršena ponovna analiza dokaza, a u odnosu na navode iz žalbe i propisani zakonski postupak, te je utvrđeno da je žalba djelimično osnovana.

Žalitelj smatra da ponude ponuđača „SARADIS“ d.o.o. Vogošća i Bos-Mont d.o.o. Sarajevo nisu zadovoljile sve uslove tražene tenderskom dokumentacijom, te se kao takve nisu mogle kvalifikovati za postupak e aukcije.

ŽALBENI NAVODI NA PONUDU PONUĐAČA „SARADIS“ D.O.O. VOGOŠĆA

Žalitelj ističe da ponuđač Saradis d.o.o. Vogošća ne ispunjava uslove iz tačke 3.3. Tehnička i profesionalna sposobnost, navodeći da je tačkom 3.3.1. pod a) ocjena tehničke i profesionalne sposobnosti ponuđača propisano slijedeće:

„Uspješno iskustvo u realizaciji najmanje dva ugovora o pružanju usluga autoservisa i opravke motornih vozila, te nabavka potrošnog materijala i rezervnih dijelova za motorna vozila VW i FORD u prethodnih dvije godine čija ukupna vrijednost ne smije biti manja od 28.188,00 KM“.

Nadalje navodi da ponuda firme Saradis d.o.o Vogošća sadrži listu izvršenih ugovora i jednu potvrdu koju je izdalo Federalno ministarstvo raseljenih lica i izbjeglica kao korisnik usluge ponuđača (strana 6. strana 7). Međutim potvrda ne sadrži koja marka vozila je premet realizovanih ugovora i iz nje se ne može dokazati da gore navedeni ponuđač ima traženo iskustvo zahtijevano tačkom 3.3.1.TD. S tim u vezi smatramo da ponuda ponuđača Saradis d.o.o. kao takva nije ispunila uslove iz tačke 3.3. i tačke 3.3.1. pod a) tenderske dokumentacije.

Na osnovu navedenog ovaj dio žalbe se smatra osnovanim.

ŽALBENI NAVODI NA PONUDU PONUĐAČA „BOS-MONT“ D.O.O. SARAJEVO

Žalitelj ističe da ponuđač Bos-Mont d.o.o. Sarajevo ne ispunjava uslove iz tačke 3.3. Tehnička i profesionalna sposobnost, navodeći da je tačkom 3.3.1. pod a) ocjena tehničke i profesionalne sposobnosti ponuđača propisano slijedeće:

„Uspješno iskustvo u realizaciji najmanje dva ugovora o pružanju usluga autoservisa i opravke motornih vozila, te nabavka potrošnog materijala i rezervnih dijelova za motorna vozila VW i FORD u prethodnih dvije godine čija ukupna vrijednost ne smije biti manja od 28.188,00 KM“.

Ponuda ponuđača Bos-Mont d.o.o. sadrži listu pruženih usluga kao i potvrde Ministarstva pravde BiH, potvrdu Ministarstva odbrane BiH i potvrdu firme SKUTER d.o.o. Međutim niti jedna od navedenih potvrda ne sadrži podatak da firma Bos-Mont d.o.o. ima iskustvo u realizaciji održavanja vozila marke FORD a što je traženo u gore navedenoj tački TD, te kao takva nije mogla zadovoljiti uslove za kvalifikaciju.

Na osnovu navedenog ovaj dio žalbe se smatra osnovanim.

Nadalje, žalitelj navodi da po tački 5.3. TD „Ponuda se dostavlja samo u originalu, na kojima će čitko pisati „ORIGINAL PONUDE.“

Navedena ponuda nema nigdje napisano original ponude niti na koverti u kojoj je dostavljena niti na samoj ponudi.

Na osnovu navedenog ovaj dio žalbe se smatra osnovanim.

Ostali navodi iz žalbe su neosnovani i to:

1. Navod da je ponuđač Saradis d.o.o. Vogošća dostavio kopiju aktuelnog izvoda iz sudskog registra sa stranicama od 1/1 do 4/4 kojem je ovjerena samo zadnja strana, dok ostale stranice nisu ovjerene (uvezane).

Ponovnim uvidom u ponudu ponuđača Saradis d.o.o. Vogošća utvrđeno je da je kopija aktuelnog izvoda iz sudskog registra ovjerena pravilno od strane općinskog organa, na način da je ovjerena zadnja strana kopije izvoda, dok su ostale stranice izvoda numerisane iz čega se vidi kontinuitet stranica, te ni tenderskom dokumentacijom isto nije traženo.

2. Navod da sve strane ponude moraju biti numerisane na način da je vidljiv redni broj stranice ili lista, a da ponuda ponuđača Saradis d.o.o. Vogošća sadrži na vlastitom memorandumu specifikaciju priloženih dokumenta koja nije numerisana, već samo parafirana i ovjerena pečatom firme.

Shodno navedenom napominjemo da je članom 8. stav 7. Uputstva za pripremu modela tenderske dokumentacije i ponuda propisano da propuštanje numerisanja stranice nije osnov za odbijanje ponude, te se smatra manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i TD.

3. Navod da ponude moraju važiti 90 dana, računajući od isteka roka za podnošenje ponuda, a da je ponuđač Saradis d.o.o. Vogošća u izjavi ponuđača (Aneks 2) kao rok važenja ponude naveo datum 20.10.2019., što je manje od 90 dana kako navodi žalitelj, nije osnovan iz razloga jer je ponuđač Saradis d.o.o. Vogošća pravilno popunio rok važenja ponude (60 dana) u izjavi (Aneks 2) kao je i bilo i propisano u Aneksu 2.

4. Navod da ponuda ponuđača Bos-Mont d.o.o. Sarajevo nije čvrsto uvezana, na način da se onemogućiti naknadno vađenje ili umetanje listova je neosnovan obzirom da je ista čvrsto uvezana.

Komisija je postupajući po žalbi ponuđača Autodelta d.o.o. Sarajevo izvršila ponovnu analizu svih pristiglih ponuda (3 ponude), te utvrdila da je ponuda ponuđača Autodelta d.o.o. Sarajevo jedina ponuda koja u pravnom, ekonomskom i tehničkom smislu u potpunosti zadovoljava zahtjev ugovornog organa.

Obzirom da je zbog naprijed navedenog za ugovorni organ prihvatljiva samo jedna ponuda, shodno članu 3. stav 3. Pravilnika o uslovima i načinu korištenja e-aukcije, e-aukcija se ne može zakazati.

Na osnovu navedenog žalba je djelimično usvojena i donesena je odluka kao u dispozitivu.

PRAVNA POUKA:

Svaki ponuđač koji ima legitiman interes za konkretan ugovor o javnoj nabavci i koji smatra da je naručilac (ugovorni organ) u toku konkretnog postupka dodjele ugovora prekršio jednu ili više odredbi Zakona o javnoj nabavci i/ili podzakonskih akata ima pravo uložiti žalbu na postupak u pisanoj formi u roku od 5 (pet) dana od dana kada je njegov podnosilac primio odluku odnosno obavještenja o dodjeli ugovora.

Žalba se podnosi naručiocu-ugovornom organu kao prvostepenoj instanci u žalbenom postupku, u dovoljnom broju primjeraka koji ne može biti manji od tri.



MINISTAR

Doc.dr. Salko Bukvarević

Dostavljeno:

1. Ponuđačima 3 x
2. U spise
3. Arhiva